

欽定大清會典事例

欽定大清會典事例卷二十四

吏部

官制

各省學政等官  
政使司  
各省按察使司

各省學政等官。○學政。順天。山東。山西。河南。江蘇。安徽。江西。福建。浙江。湖北。湖南。陝西。甘肅。四川。廣東。廣西。雲南。貴州。各一人。奉天府府丞兼學政一人。福建臺灣巡撫兼管臺灣等府學政事務一人。滿洲教授。順天一人。教授。奉天三人。吉林二人。順天一人。直隸九人。山東十一人。山西九人。河南九人。江蘇八人。安徽八人。江西十三人。福建九人。臺

清二人。浙江十一人。湖北九人。湖南八人。陝西七人。甘肅八人。新疆一人。四川十三人。廣東九人。廣西十一人。雲南十七人。貴州十二人。學正奉天五人。黑龍江一人。順天五人。直隸十七人。山東十一人。山西十六人。河南十人。江蘇六人。安徽九人。江西二人。福建二人。浙江一人。湖北七人。湖南七人。陝西十人。甘肅八人。四川十八人。廣東十一人。廣西十九人。雲南三十人。貴州十四人。教諭奉天三人。吉林二人。順天十四人。直隸九十九人。山東九十一人。山西五十八人。河南一百人。江蘇四十五人。安

徽四十八人。江西七十四人。福建六十人。臺灣四人。  
浙江七十六人。湖北五十四人。湖南五十六人。陝西  
四十四人。甘肅二十人。四川八十三人。廣東七十一  
人。廣西四十一人。雲南三十二人。貴州三十二人。滿  
洲訓導順天一人。訓導奉天十人。吉林五人。順天二  
十二人。直隸一百一十五人。山東一百九人。山西九  
十三人。河南一百三人。江蘇五十九人。安徽六十五  
人。江西九十二人。福建七十二人。臺灣四人。浙江八  
十七人。湖北六十九人。湖南七十人。陝西八十人。甘  
肅四十四人。新疆一人。四川一百二十一人。廣東九

十人。廣西六十二人。雲南七十六人。貴州五十九人。國初各省並設督學道。帶按察司僉事銜。以各部郎中由進士出身者。循資補用。惟順天。江南。浙江。為提督學政。凡府廳儒學設教授訓導。州儒學設學正訓導。縣儒學設教諭訓導。皆因地置員。○順治三年。設江南江甯府儒學教授一人。訓導一人。○七年。湖廣湖南裁提學道。○九年。山西裁應州。渾源州。蔚州。大同。懷仁。山陰。馬邑。靈邱。廣昌。九州縣訓導各一人。○十年定。直隸江南江北提學。均以翰林補用。○十一年。改江

南江北提督學院為提學道。○又設遼陽儒學。  
○十三年。陝西裁臨洮鞏昌府學訓導各一人。  
○十四年。奉天府設儒學教授訓導各一人。○  
又陝西裁府谷縣訓導一人。○十五年。裁宣大。  
二鎮學政。歸併山西提學道管理。○又江西裁  
靖安武甯萍鄉峽江龍泉水甯瀘谿玉山興安  
安仁安義瑞昌南康上猶崇義石城等儒學訓  
導各一人。○又陝西裁西安府乾州華陰興平。  
高陵鄠縣醴泉武功同州澄縣潼關衛耀州咸  
陽邠州涇化三水藍田商州鄜州平涼府華亭。

鎮原靈臺平涼慶陽府甯州麟游汧陽郿縣沔  
縣甯羌州文縣洵陽縣綏德州榆林衛岷州衛  
靖遠衛各儒學訓導一人○又河南裁陳留通  
許尉氏洧川扶溝中牟原武封邱延津蘭陽儀  
封新鄭西華商水項城沈邱臨潁襄城長葛密  
縣滎澤滎陽河陰汜水甯陵虞城考城柘城湯  
陰臨漳林縣武安淇縣胙城濟源修武武陟孟  
縣溫縣偃師鞏縣孟津宜陽登封永甯新安澠  
池嵩縣盧氏陝州靈寶閿鄉泌陽鎮平浙川葉  
縣確山真陽新蔡西平遂平羅山魯山郟縣寶

豐伊陽各州縣儒學訓導一人。○十六年。直隸  
裁深澤。涑水。靈壽。無極。新河。高邑。臨城。贊皇。唐  
山。內邱。雞澤。清河。大名。唐縣。各儒學訓導一人。  
○又江南裁望江。銅陵。東流。繁昌。四縣學訓導  
各一人。○康熙元年議定。江南省上江。下江。學  
道二人。湖廣省湖北。湖南。學道二人。俱裁併歸  
一。○二年議准。陝西。臨鞏。學政。向係守道兼攝。  
該道事繁。歸併西安。學道管理。○三年。各府州  
裁儒學訓導一人。大縣裁訓導一人。小縣裁教  
諭一人。○又貴州置黔西。平遠。大定。三府。各設

府學教授一人。○五年。雲南裁教職二十一缺。改廣西府學訓導為教授。改羅平。建水。雲龍。南安。四州學訓導為學正。改祿豐。羅次等十二縣學教諭為訓導。通省共設府衛學教授十八人。州學學正二十三人。縣學教諭九人。訓導十五人。○又雲南置開化府。設府學教授一人。永定州學正一人。○又四川設會川衛學教授一人。桐梓。綏陽。仁懷。三縣學訓導各一人。○十五年。各省府州復設儒學訓導一人。大縣復設訓導一人。小縣復設教諭一人。○又改直隸遵化縣。

為州。設學正訓導各一人。○二十二年。直隸復置阜平縣。設教諭一人。○二十三年。議准。停督學論俸補授之例。凡順天學政。以侍讀侍講諭。德洗馬等官。概行開列。江南浙江學政。以侍讀侍講諭。德洗馬中允贊善等官。概行開列。其餘各省學道。將應升之郎中及參議道知府等官。選擇開列。恭請

簡用。凡由翰林科道任者。即為學院。由部屬等官任者。則為學道。○三十二年。改直隸宣府鎮宣宣化府。並置宣化等縣。共設教職九人。○又裁各

衛武學訓導。○三十三年。雲南設曲靖。潯江。廣西。元江。開化。順甯。武定。景東。八府學。尋甸。建水。新興。趙州。劍州。昆明。宜良。楚雄。定遠。保山。和曲。祿勸。雲州。姚州。河陽。南甯。新平。十七州縣學訓導各一人。○三十四年。議准黑龍江。墨爾根地方。兩翼各立學校。設教職一人。○三十七年。升雲南北勝州為永北府。裁州學。學正改設府學教授一人。○三十八年。貴州設清浪衛學教授一人。開州。廣順。永甯。獨山。麻哈。五州學。學正各一人。普安一州。餘慶。安化。普定。平越。都勻。鎮遠。

銅仁龍泉永從等九縣學訓導各一人。○又雲南永北府設昆陽彌勒陸涼馬龍霑益雲龍六州學訓導各一人。均以教諭管訓導事。○四十二年議准各省教職係每學二人。四川省五十學。每學止設一人。各增設教職一人。○四十五年。改湖廣麻陽縣訓導駐五寨司。○四十五年。設廣西義甯等十三縣學教諭各一人。永甯等七州平樂等三縣訓導各一人。○雍正二年議准湖南湖北各分設學政一人。○又陝西葭潼關榆林靖邊等衛教職缺。○三年議准江蘇

安徽各分設學政一人。○又直隸裁保定左所  
教授訓導各一人。改天津衛為州。裁衛學教授。  
改設州學學正一人。○又福建設臺灣府彰化  
縣教諭一人。廣西設崇善荔波二縣儒學。撥太  
平府訓導駐崇善。宜山縣訓導駐荔波。○又甘  
肅設甯夏。西甯涼州甘州四府學教授各一人。  
靈州學正一人。甯夏甯朔中衛西甯武威高臺  
永昌鎮番山丹張掖十縣學教諭各一人。平羅  
碾伯古浪高臺四縣學訓導各一人。○又改雲  
南定遠縣訓導駐黑鹽井。大姚縣訓導駐白鹽

井。姚州訓導駐琅鹽井。○又議准江南分設蘇  
松常三府屬州縣教職。原設之太倉州教職止  
留學正一人。長洲吳江常熟崑山嘉定華亭婁  
縣青浦上海武進無錫宜興十二縣各留教諭  
一人。新分之元和震澤昭文新陽寶山鎮洋奉  
賢金山福泉南匯陽湖金匱荊谿十三縣各撥  
訓導一人。○又各省裁都司儒學教授。並京衛  
武學教授缺。○四年定各省督學一體稱為學  
院。其以部員任者。照庶吉士散館之例。該員係  
二甲進士出身。加編修銜。三甲同進士出身。加

檢討銜。○又議准山西新改朔平甯武二府各設教授一人。訓導一人。設甯武縣教諭一人。右五偏關二縣教諭各一人。訓導各一人。左雲平魯陽高天鎮神池五寨六縣學訓導各一人。○

五年

諭。臺灣遠隔重洋。向來督學官員。難以案臨考試。是以將學政交與臺灣道兼管。朕思道員有管理地方之責。又兼學政。未免稍繁。每年既派御史二員。前往臺灣巡察。應將學政交與漢御史管理。甚為妥協。嗣後永著為例。○又貴州設開泰縣教諭。訓導各一人。裁

銅鼓衛教授訓導。改設錦屏縣教諭訓導各一人。設玉屏清谿二縣教諭訓導各一人。○又改廣西泗城對江長壩地方置永豐州。設州學正一人。○又議准雲南東川府教職向係知府兼理添設教授一人。○又省四川馬湖府裁教授一人。設華陽縣教諭訓導各一人。○又省河南胙城縣裁教諭訓導各一人。○六年雲南設烏蒙府教授一人。鎮雄州學正一人。永善縣教諭一人。○又升山西蒲州澤州為府。各設教授一人。裁二州學學正。改設永濟鳳臺二縣學教諭

各一人。○又湖北裁施州衛教授。訓導。改設恩施縣教諭。訓導各一人。○又山東設福山縣教諭一人。魚臺縣訓導一人。○又改陝西徽州為縣。裁州學學正。改設縣學教諭一人。○七年議准廣東學政改為廣韶學政。添設肇高學政一人。○又改陝西靖邊所訓導為學正。安塞吳堡神木等縣學訓導為教諭。○又省奉天府泰甯縣。裁教諭一人。○又議准四川屏山縣向隸馬湖府。未經立學。今府已裁汰。改隸敘州府。設教諭。訓導各一人。○又雲南新置普洱府。撥元江

府訓導一人。董率啟迪。○又升貴州大定州為大定府。改威甯府為威甯州。設大定府教授一人。威甯州學正一人。○又升四川雅州為府。改州學為府學。設教授訓導各一人。○又改湖南九谿水定二衛置安福縣。設教諭訓導各一人。○又山西置虞鄉縣。撥臨晉縣訓導一人。管儒學事。○八年。改陝西榆林衛為榆林府。裁衛學教授。設府學教授一人。改榆林靖邊二衛為縣。裁衛學訓導。設縣學訓導一人。裁綏德膚施二縣訓導。設定邊懷遠二縣訓導各一人。○又雲

南設宣威州學正一人。○九年。升直隸天津州為府。設教授。訓導各一人。裁州學正。設天津縣教諭一人。改梁城所。置甯河縣。設教諭。訓導各一人。○又廣東裁海豐縣訓導。設陸豐縣訓導一人。置鶴山縣。設訓導一人。○又江蘇置阜甯甘泉二縣。裁鹽城縣訓導。設阜甯縣訓導一人。裁江都縣訓導。設甘泉縣訓導一人。○十年議准。順天府童生考試。舊例除大宛二縣屬府丞專理外。其餘二十三州縣考試後。向由霸昌道錄取轉送。嗣後就近改歸四路同知。各按所屬

州縣錄取轉送。○又雲南鎮沅府恩樂縣係新經改流地方。設鎮沅府教授一人。恩樂縣教諭一人。○十一年。升江南徐州為府。改州學學正為府學教授。裁州學訓導。改設銅山縣訓導一人。析鳳陽府屬壽州地。置鳳臺縣。以壽州訓導管鳳臺縣學事。○又改廣東程鄉縣為嘉應直隸州。裁縣學教諭。設州學學正一人。○又廣西鎮安府改土為流。設府學教授一人。並設東蘭歸順二州學學正各一人。○又奉天府設復州學正一人。○又福建設臺灣府學。並臺灣鳳山。

諸羅彰化四縣學訓導各一人。○十二年

諭。朕聞湖南五寨司文武生童。令麻陽縣訓導兼攝。今改流多年。應試生童日衆。應添設訓導一員。專司訓迪。又聞永順生童讀書應試者亦多。即六里亦有就學子弟。應酌設學校教職。以隆作養。○又升福建福甯州為府。設府學教授一人。置霞浦屏南二縣各設訓導一人。升永春龍巖二縣為直隸州。改縣學教諭。設州學學正一人。訓導一人。○又奉天府學。相距太遠。添設永吉州學正一人。帶管

長甯縣學。○又河南復置南召縣。撥南陽縣訓導一人管理學務。○又升山東武定州。濟州為府。各設府學教授。附郭州縣各設教職。○又析山東益都縣地置博山縣。設訓導一人。○又升河南陳州許州為府。各設府學教授一人。改陳州原設訓導為淮甯縣訓導。改許州原設訓導為石梁縣訓導。○又湖南永順府設府學教授一人。並所屬永順龍山保靖桑植四縣學訓導各一人。○又改山東大嵩成山二衛置海陽榮成二縣。裁衛學教授。改設二縣學訓導各一人。

○又升四川嘉定潼川二州為府。各設府學教授一人。裁原設州學學正訓導。改設樂山三臺二縣學教諭訓導各一人。○十三年。升湖北彝陵州為宜昌府。裁州學學正。設府學教授訓導各一人。並設東湖縣教諭一人。○又升山東曹州泰安州為府。各設府學教授附郭首縣各設教職。○乾隆二年。順天府裁昌平州訓導。改設延慶衛學訓導一人。○三年。福建置福鼎縣。設訓導一人。○又升甘肅蘭州為府。改州學學正為府學教授。升狄道縣為州。改縣學為州學。設

學正一人。○六年。改河南許州府復為直隸州。改府學教授訓導。為州學學正訓導。○七年。山東裁青州府安東衛衛學教授一人。歸日照縣儒學兼理。○又廣東裁崖州陵水感恩昌化四州縣學各訓導一人。○八年。江西裁永新縣訓導。改設蓮花廳學訓導一人。○十二年。陝西裁同州府潼關縣缺。歸撫民同知管理。改縣學為廳學。裁教諭缺。止設訓導一人。○十五年。山西裁永濟鳳臺二縣教諭各一人。改邢縣交城清源浮山黎城陵川萬泉榆社武鄉樂平十縣訓

導為教諭。裁潞城甯鄉懷仁山陰靈邱廣靈馬邑七縣學教諭各一人。○十六年

諭肇高學政著即歸併廣韶學政考試。欽此。遵

旨議奏。裁汰廣東肇高學政。仍照雍正七年以前統設

一員考試。○又河南設陳州府新鄉南陽二縣

訓導各一人。淮甯南召二縣教諭各一人。裁河

陰汜水。涉縣淇縣鞏縣澠池桐柏浙川確山正

陽寶豐伊陽盧氏十三縣學訓導各一人。○十

七年議准提督福建臺灣學政關防。仍歸臺灣

道兼管。○十九年。升江西甯都縣為直隸州。改

縣學教諭為州學學正。○又省安徽臨淮縣裁教諭訓導各一人。○又定湖南乾州鳳凰二廳永順龍山保靖桑植芷江永定六縣各設訓導一人以教諭銜管事。○二十一年湖南置清泉縣裁衡陽縣訓導設清泉縣訓導一人。○二十三年省直隸魏縣裁教諭訓導各一人。○二十四年改甘肅安西等五衛置一府三縣設安西府教授一人淵泉玉門敦煌三縣訓導各一人。○二十六年改四川越雋衛置越雋直隸廳改衛學教授訓導為廳學教授訓導。○又甘肅置

大通縣。裁高臺縣訓導。改設大通縣訓導一人。  
○二十八年。省山西清源縣。改清源縣學為鄉  
學。○二十九年。議准山西徐溝縣訓導。管理清  
源鄉學。○又山西裁甯武府偏關縣教諭缺。止  
設訓導一人。○又省河南河陰縣。裁教職缺。○  
三十一年。雲南裁普洱府訓導。改設甯洱縣教  
諭一人。○三十三年。福建裁壽甯縣訓導。改設  
福甯府學訓導一人。○三十五年。省四川羅江  
縣。裁訓導一人。○又改雲南武定。元江。廣西。三  
府為直隸州。裁府學教授。訓導。改設州學。學正。

訓導各一人。改鎮沅府為直隸州。裁府學教授。  
改設州學學正一人。改祿勸彌勒建水師宗。四  
州為縣。裁州學學正訓導。改設縣學教諭訓導  
各一人。麗江順甯二府。置附郭首縣。增設教諭  
訓導各一人。○三十六年議准。湖北恩施縣訓  
導。改撥宣恩縣訓導。○三十八年。甘肅裁華亭  
靈壁二縣訓導。改設宜禾縣訓導一人。迪化州  
學正一人。○又省甘肅淵泉縣。裁訓導一人。○  
又江西裁永甯縣訓導。改設永新縣訓導一人。  
○三十九年。升浙江海甯縣為州。改縣教諭為

州學正。安吉州已改為縣。改州學正為縣教諭。  
○四十一年。甘肅裁莊浪縣訓導。改設阜康縣  
訓導一人。裁平涼縣訓導。改設奇臺縣訓導一  
人。○四十三年。升熱河同知廳為承德府。改熱  
河道學教授為府學教授。○四十六年。議准湖  
廣學政關防。改鑄湖北學政關防。○五十七年。  
四川裁蘆山縣訓導。改設天全州訓導一人。○  
五十八年。議准順天府府丞。僅令申送所屬四  
路廳童生府考。其入學仍歸學政。毋庸兼提督  
學政銜。○嘉慶二年。改貴州平越府為平越直

隸州裁府學教授。設州學學正一人。○六年

諭奉天府考試事宜。該府丞在任年久。與該處生童熟識。未免易滋流弊。著將此缺三年更換一次。○又改

四川達州為綏定府。改州學學正為府學教授。

○九年。四川裁冕德縣訓導。改設雷波廳訓導。

一人。○十六年。改廣東嘉應府為直隸州。裁府

學教授。訓導。改設州學學正。訓導各一人。○又

四川裁興文縣訓導。改設江北廳訓導一人。○

又改貴州普安州學正為普安廳同知教諭。○

又江蘇裁崇明縣訓導。改設海門廳訓導一人。

○十七年。改廣東南雄府為直隸州。裁府學教授訓導。改設州學學正訓導各一人。省保昌程鄉二縣。裁教諭。訓導各一人。○道光元年。移四川太平廳訓導駐城口。○又四川裁筠連縣訓導一人。○二年。議准雲南元江鎮沅二直隸州學正雲州學正訓導。他郎廳訓導甯洱縣教諭等六缺。比照兩廣邊缺之例。定為在外揀選。○四年。改湖北白河廳訓導。為保康縣訓導。○又改河南儀封縣教諭。為儀封鄉學教諭。○六年。四川設雅安縣訓導一人。○十二年。甘肅裁狄

道固原甯隴西安定中衛六州縣訓導各一人。  
○又直隸裁保安州訓導一人。○又湖北裁保  
康縣訓導一人。○又省直隸新安縣裁教諭訓  
導各一人。○又省貴州錦屏縣裁訓導一人。改  
原設教諭為錦屏鄉學。○又湖南裁沅江桂東  
通道石門慈利嘉禾六縣訓導各一人。○又廣  
東裁長甯始興二縣訓導各一人。○十三年。廣  
東裁連山廳訓導一人。專設教諭一人。○二十  
年。移雲南師宗縣訓導為邱北縣訓導。○又升  
雲南鎮沅州為直隸廳。改州學正為教授。○又

雲南裁恩安縣復設教諭一人。改為鎮沅直隸  
廳。復設訓導。○咸豐二年。改雲南甯洱縣復設  
教諭為普洱府復設訓導。○五年。改甘肅新疆  
鎮西府為直隸廳。裁府學教授。訓導各一人。設  
廳訓導一人。○又省甘肅宜禾縣。裁訓導一人。  
○又甘肅新疆裁昌吉。綏來。阜康。奇臺。四縣訓  
導各一人。○同治六年。奉天府置昌圖府。設訓  
導一人。○九年。奉天府設岫巖廳。訓導一人。○  
又改廣東陽江直隸州為直隸廳。改州學正訓  
導為廳教諭。訓導。○又改安徽蒙城縣訓導為

渦陽縣訓導。○十一年。甘肅設安化縣鄉學復  
設訓導一人。○又改福建臺灣府淡水廳復設  
訓導為復設教諭。設噶瑪蘭廳復設訓導一人。  
○光緒二年。甘肅設學政一人。○又廣西置恩  
隆縣。設訓導一人。○又廣西置百色直隸廳。設  
學正一人。作為煙瘴調缺。○又奏往臺灣考試  
歸巡撫主政。○三年。奉天府置奉化縣。設訓導  
一人。改昌圖廳訓導為昌圖府教授。○又甘肅  
設甯靈廳教授一人。○四年。廣西置奉議州。設  
學正一人。作為煙瘴調缺。○又福建臺灣設臺

北府教授一人。改設新竹宜蘭二縣訓導各一人。○又議准臺灣新竹縣訓導作為經制之缺。宜蘭縣訓導係由噶瑪蘭廳復設訓導改設。仍為復設訓導之缺。○又改臺灣淡水廳復設教諭為淡水縣復設教諭。○又裁臺灣嘉義二縣訓導各一人。○五年。設黑龍江呼蘭廳學正一人。○六年。改甘肅鎮西府訓導為廳訓導。○七年。雲南裁馬龍州訓導。移設安平廳為復設訓導。裁開化府復設訓導。移設文山縣為復設訓導。裁廣南府復設訓導。移設寶甯縣為復設訓導。

導。裁江川縣訓導。移設巧家廳為訓導。裁羅次  
縣訓導。移設會澤縣為訓導。裁雲州復設訓導。  
移設思茅廳為復設訓導。裁元謀縣訓導。移設  
威遠廳為訓導。裁普洱府復設訓導。改為他郎  
廳。復設訓導。設甯洱縣學。以普洱府學兼管。裁  
甯我縣訓導。移設恩安縣為訓導。並將大關魯  
甸二廳學。歸恩安縣學兼管。設緬甯廳學。以順  
甯縣學兼管。設中甸廳學。以麗江府學兼管。設  
維西廳學。以麗江縣學兼管。裁南安州復設訓  
導。移設龍陵廳為復設訓導。○八年。升吉林廳

為府。改廳學正為府學教授。設伊通州雙城廳各訓導一人。○又甘肅甯夏府設教授一人。○十年。奉天府置康平縣。設訓導一人。○十二年。升甘肅新疆迪化州為府。改州學正為府學教授。照舊兼管各縣學事。○十三年。廣東置防城縣。移欽州訓導為防城縣訓導。

各省布政使司。○直隸布政使一人。經歷一人。理問一人。庫大使一人。山東布政使一人。經歷一人。庫大使一人。山西布政使一人。經歷一人。照磨一人。庫大使一人。河南布政使一人。經歷

一人庫大使一人江蘇蘇州布政使一人理問一人庫大使一人江甯布政使一人理問一人庫大使一人倉大使一人安徽布政使一人經歷一人庫大使一人江西布政使一人經歷一人理問一人庫大使一人福建布政使一人經歷一人都事一人照磨一人庫大使一人臺灣布政使一人庫大使一人浙江布政使一人經歷一人理問一人照磨一人庫大使一人湖北布政使一人經歷一人照磨一人庫大使一人湖南布政使一人理問一人庫大使一人陝西布政使一人

經歷一人。理問一人。庫大使一人。甘肅布政使一人。照磨一人。庫大使一人。新疆布政使一人。經歷一人。布都事兼糧道庫大使一人。庫大使一人。四川布政使一人。經歷一人。照磨一人。庫大使一人。廣東布政使一人。經歷一人。照磨一人。庫大使一人。廣西布政使一人。經歷一人。庫大使一人。雲南布政使一人。經歷一人。庫大使一人。貴州布政使一人。經歷一人。庫大使一人。國初直隸不設藩司。設口北守道一人。兼山西布政使銜。其餘各省。皆設承宣布政使司。左右布

政使各一人。左右參政參議各因事設立。所屬經歷理問都事照磨檢校大使副理問副使。因時裁設無定員。○順治三年。設江甯左右布政使各一人。經歷理問都事照磨各一人。○十六年。江南裁布政使都事一人。浙江裁布政使都事一人。○十八年。江南分省。移江南右布政使司駐蘇州。左布政使司仍寄駐江甯。○康熙二年。陝西分省。移陝西右布政使司駐鞏昌。○三年。湖廣分省。移湖廣右布政使司駐長沙。分治湖南。○六年。改江南左右布政使司為江蘇安

徽。兩布政使司。改陝西左布政使司。為西安布政使司。右布政使司。為鞏昌布政使司。改湖廣左布政使司。為湖北布政使司。○又定各省布政使員額。裁各省布政使一人。定為全省布政使。山東。山西。河南。江蘇。安徽。江西。福建。浙江。湖北。湖南。四川。廣東。廣西。雲南。貴州。各一人。陝西二人。參政。參議。無定員。皆裁去。左右名目。視何項官推升者。即為何項道。名曰守道。布政使司所屬官。理問各一人。貴州無經歷各一人。江蘇。湖南。甘肅無三省都事一人。河南。福建。江西。山東。各省無照磨各一人。

檢校各一人。副理問各一人。庫大使。山西三人。  
山東。河南。江蘇。安徽。江西。福建。浙江。陝西。廣東。  
廣西。雲南。貴州各一人。副使一人。浙江。江西。山西。陝西。雲南。  
各一人。他省無。寶泉局大使。副使各一人。○七年。定山  
西。陝西。甘肅。布政使為滿缺。其餘俱係漢軍漢  
人補授。間有互用者。出自

特簡。○八年。增設直隸守道一人。總司錢穀。○又改  
西安布政使司為陝西布政使司。改鞏昌布政  
使司為甘肅布政使司。駐蘭州。○三十九年。福  
建。四川。廣東。廣西。裁布政司理問各一人。江西。

山西裁布政司都事各一人。山東河南江蘇安徽江西湖南陝西廣西雲南貴州裁布政司照磨各一人。山西裁布政司庫大使一人。○又各省裁布政司副理問寶源局大使缺。並各省布政司檢校缺。止留江西一人。○雍正二年

諭直隸總司錢穀守道。改為布政使。○又山東山西河南安徽湖北甘肅裁布政司理問各一人。設直隸布政司經歷一人。○三年議准直隸口北守道。改從直隸布政使銜。○又江西裁布政司檢校一人。○六年安徽裁布政司照磨一人。倉大

使一人。江西裁布政司照磨一人。○乾隆元年。  
直隸。甘肅。四川。設布政司庫大使各一人。山西。  
裁庫大使一人。江西。陝西。裁副使各一人。○六  
年。河南裁布政司理問一人。○十六年。議准山  
西布政司庫大使一人。足資辦理。裁副使一人。  
雲南。浙江二省。事同一例。庫副使一併裁汰。○  
十八年。停各省守道兼布政使參政參議等銜。  
○二十五年。

諭。江蘇錢穀殷繁。布政使一員。專司總匯。因思現在安  
徽布政使隨督臣駐紮江甯。所辦仍屬上江事件。文

移往返不免需時。而親臨地方各員。又非其專轄。於封疆體制。尚未允協。若將安徽藩司。仍回駐安慶。而於江蘇增設藩司一員。即駐紮江甯。以江南之蘇松常鎮等處。江甯及江北之淮揚徐通海等處。所屬地方。酌量分隸管轄。職分則事易集。一切政務。自可從容就理。應如何通融定制之處。著悉心妥議具奏。○

又

諭江蘇錢穀殷繁。安徽布政使遠駐江甯。所辦專係上江事務。莫若於江蘇添設藩司。分職管理。方為有益。前曾降旨該督撫等令其酌議。將安徽布政使仍回

駐安慶。而於江蘇增設藩司一員。駐紮江甯。分隸管轄一切政務。庶可從容就理。今據尹繼善等奏到。請將江淮揚徐通海六府州。分隸江甯藩司管轄。蘇松常鎮太五府州。分隸蘇州藩司管轄。其安徽布政使移駐安慶。專辦上江事務等語。著照所請行。○又江甯設布政司理問。庫大使。倉大使各一人。○又議准安徽無省倉。裁倉大使一人。○三十年。雲南裁布政司理問一人。○光緒十年。甘肅新疆設布政使一人。○十二年。甘肅新疆設布政司經歷一人。庫大使一人。○十三年。福建臺灣設

布政使一人。庫大使一人。

各省按察使司。直隸按察使一人。經歷一人。司獄一人。山東按察使一人。經歷一人。司獄一人。山西按察使一人。經歷一人。司獄一人。河南按察使一人。經歷一人。司獄一人。江蘇按察使一人。經歷一人。司獄一人。安徽按察使一人。照磨一人。司獄一人。江西按察使一人。經歷一人。知事一人。司獄一人。福建按察使一人。經歷一人。照磨一人。司獄一人。臺灣道兼按察使銜一人。司獄一人。浙江按察使一人。經歷一人。照磨

一人司獄一人湖北按察使一人經歷一人司獄一人湖南按察使一人照磨一人司獄一人陝西按察使一人經歷一人司獄一人甘肅按察使一人司獄一人新疆鎮迪道兼按察使銜一人司獄一人四川按察使一人經歷一人司獄一人廣東按察使一人經歷一人司獄一人廣西按察使一人經歷一人司獄一人雲南按察使一人經歷一人司獄一人貴州按察使一人照磨一人司獄一人。

國初直隸不設臬司設大名巡道兼河南按察使

銜通永天津巡道俱兼山東按察使銜霸昌井  
陘巡道俱兼山西按察使銜其餘各省皆設提  
刑按察使司按察使各一人副使僉事各因事  
設立所屬經歷知事照磨檢校司獄因時裁設  
無定員○順治三年江甯設按察使一人並經  
曆知事照磨各一人○十六年江南裁按察司  
知事一人浙江裁按察司知事一人○康熙三  
年江南分設兩按察使一駐江甯一駐安慶○  
又甘肅置按察使一人駐鞏昌○六年定各省  
按察使員額江蘇安徽湖北湖南陝西甘肅浙

江。江西。福建。山東。山西。河南。四川。廣東。廣西。雲

南。貴州。各一人。副使。僉事。無定員。視何項官職

推升者。即為何項道。皆名之曰巡道。按察使司

所屬官。經歷各一人。知事一人。

江西。福建。山東。廣西。各一

人。他。照磨各一人。檢校一人。

福建。江西。山東。陝西。各一人。他省無。

司獄司。司獄各一人。○七年。定山西。陝西。甘肅

按察使。為滿缺。其餘俱係漢軍漢人補授。兼有

互用者。出自

特簡。○八年。直隸。增設巡道一人。總理刑名。○又甘

肅。按察使。改駐蘭州。○三十九年。福建。廣東。廣

西。裁按察司知事各一人。山東。山西。河南。江蘇。陝西。湖北。四川。廣西。雲南。裁按察司照磨各一人。又各省裁按察司檢校缺。○雍正二年

諭。直隸總理刑名巡道改為按察使。○三年。江西裁按察司照磨一人。山西裁按察司知事一人。又議准。直隸通永。天津。霸昌。大名。四巡道。改從直隸按察使銜。○五年。貴州裁按察司經歷一人。○八年。議准。江蘇按察使。現駐江甯。與下江巡撫衙門相距太遠。改駐蘇州。○乾隆十八年。停各省巡道兼按察使副使僉事等銜。○二十八

年。廣東裁按察司照磨一人。○又甘肅裁河州  
茶馬大使。改設按察司司獄一人。以按察司照  
磨兼管茶馬大使事。○道光三年。陝西裁按察  
司照磨一人。○光緒十三年。奏准福建臺灣道  
向兼按察使銜。一切刑名。均歸管理。設司獄一  
人。作為按察司司獄。○又奏准甘肅新疆設鎮  
迪道。兼按察使銜。並設司獄一人。作為按察司  
司獄。

欽定大清會典事例卷二十五

吏部

官制

各省道員

各省道員。直隸。口北道。霸昌道。大名道。熱河道。清河道。通水道。天津道。津海關道。永定河道。各一人。通水道庫大使一人。霸昌道關大使一人。奉天。驛巡道。奉錦山海道。東邊道。各一人。東邊道庫大使一人。吉林。分巡道一人。山東。濟東泰武臨道。登萊青道。兗沂曹濟道。督糧道。運河道。各一人。糧道庫大使一人。山西。冀甯道。雁平

道歸綏道河東道各一人河東道庫大使一人  
河南南汝光道河陝汝道河北道糧鹽道開歸  
陳許兼理河務道各一人江蘇蘇松太道常鎮  
通海道淮揚海道徐州道鹽法道蘇松糧道江  
安糧道各一人糧道庫大使各一人安徽安廬  
滁和道徽甯池太廣道鳳潁六泗道各一人江  
西廣饒九南道贛南吉甯道督糧兼巡南撫建  
道鹽法兼巡瑞袁臨道各一人糧道庫大使一人  
福建糧儲兼巡福甯道鹽法道興泉永道延建邵  
道汀漳龍道各一人臺灣臺灣道兼按察使銜一

人臺灣鹽道庫大使一人司獄一人浙江督糧道  
杭嘉湖道甯紹台道金衢嚴道溫處道各一人湖  
北督糧道漢黃德道安襄鄖荆道荆宜施道鹽法  
兼分守武昌道各一人糧道庫大使一人湖南糧  
儲道岳常澧道辰永沅靖道衡永郴桂道鹽法兼  
分巡長寶道各一人糧道庫大使一人陝西潼商  
道陝安道延榆綏道督糧兼分守西乾郿道鹽法  
兼分巡鳳邠道各一人糧道倉大使一人甘肅甘  
涼道蘭州道鹽法兼分巡平慶涇固化道鞏秦階道  
西甯道安肅道鹽法兼分巡甯夏道各一人新疆

鎮迪道兼按察使銜一人。伊塔道。阿克蘇道。喀什噶爾道各一人。道庫大使三人。兼按司獄一人。四川。川東道。川北道。川南。永甯道。建昌道。成縣。龍茂道。鹽茶道各一人。鹽茶道庫大使一人。廣東。肇羅道。惠潮嘉道。南韶連道。高廉。欽道。雷瓊道。督糧道各一人。高廉。雷瓊道庫大使各一人。廣西。左江道。右江道。太平。思順道。鹽法兼分守桂平。梧州。太平。思順道各一人。雲南。鹽法道。迤東道。迤西道。迤南道。糧儲道。臨安。開廣道各一人。鹽法。臨安道庫大使各一人。貴州。貴西道。貴東道。糧儲道各一人。

國初定各省設布政使左右參政參議曰守道設按察使副使僉事曰巡道有兼轄全省者有分轄三四府州者或兼兵備或兼河務或兼水利或兼提學或兼茶馬屯田或兼糧儲鹽法各以職事設立無定員○順治三年江南設分守江甯道一人屯田水利道一人驛傳鹽法道一人分巡江甯兼江防道一人整理馬政道一人○七年直隸裁通州河閒保定定州順廣道江南裁滁和鳳泗道安徽裁廬州馬政屯田水利道山西裁蔚州道浙江裁屯田水利道湖廣湖南

裁提學荆南兵備管理屯鹽水利倉糧道福建  
裁屯種水利鹽法道江西裁屯田水利道各一  
人。○八年改直隸密雲道為通密道駐通州。○  
十年直隸裁山海道歸併永平道管理。○十三  
年江南裁驛鹽道一人。○十五年陝西裁鞏昌  
隴右巡道一人。○十六年。

諭自今以後除授升轉各道員不得拘地方坐定職銜  
著以布按二司銜通融兼帶永著為例。○又議定守  
道缺出所升之人係副使即升參政僉事即升  
參議或係參議應升副使者即以副使兼參議

銜郎中等官應升僉事者即以僉事管參議事。巡道缺出所升之人係參議即升副使係郎中等官即升僉事。或係副使應升參政者即以參政兼副使銜。僉事應升參議者即以參議兼僉事銜。○康熙元年山東裁濟南登州濟甯兵巡三道各一人。山西裁驛傳道並太原大同平陽兵巡三道各一人。河南裁大梁河南河北兵巡三道各一人。江南裁潁州道一人。蘇松兵備道一人。湖廣裁上江下江武昌荆西四道各一人。江西裁驛傳道並湖西湖東兵巡二道各一人。

福建裁漳南巡海二道各一人。○又改山西河東道駐平陽府。改江南鳳宿道為鳳陽道。專轄鳳陽一府。改安廬道為廬州道。專轄廬州一府。以滁和二州及安慶一府歸池太道管理。○又福建裁巡海道。歸併鹽法道。兼理裁巡漳道。歸併守漳道。兼理江西裁巡西巡東二道。歸併守西守東一道。兼理浙江裁金衢兵巡道。歸併守道。兼理裁驛傳道。歸併杭嚴道。兼理直隸裁懷來道。歸併口北道。兼理裁易州道。歸併霸州道。兼理改霸州道駐蠡縣。貴州裁思石兵巡道。歸

併思仁守道兼理。○二年議准甘肅靖遠道已裁併隴右道兼理。將臨鞏道改為臨洮道。專轄臨洮府狄河蘭金渭五州縣。以洮岷道專轄階文成漳四州縣。並洮岷二衛。西固一所以隴右道專管隴甯伏秦清醴西徽兩安會通秦十三州縣。並靖遠一衛。各道既不管軍職。皆裁去兵備銜。○又議准江南淮徐道事務歸併淮海道管理。揚州道事務歸併驛鹽道統轄。今驛鹽道改駐儀真。無事則仍歸江甯往來照應。○又改河南驛傳道駐紮襄城。○又定廣西左江守巡

二道所轄潯州南甯太平三府並思明土府與南甯太平所屬二十八土司自巡道裁歸守道非一官所能兼攝改桂林巡道為左江巡道仍駐南甯左江守道仍駐潯州將桂林巡道事務歸併桂平守道兼管○又定四川上南巡道裁併上南守道兼理春夏駐嘉定秋冬駐邛州○三年議准福建漳汀地方遼闊以守漳道仍駐漳州巡建道仍兼轄延平守建道自建甯府改駐汀州兼轄邵武○又貴州置黔西平遠大定三府改原設畢節道為整飭三府分巡貴甯道

兼管永甯赤畢等衛駐平遠府。○六年裁各省  
守巡道一百有八人。○又議准山西守甯道事  
務歸併太原府管理甯武道事務歸併太原府  
中路同知管理奇嵐道事務歸併太原府西路  
同知管理守東道事務歸併平陽府管理守南  
道事務歸併汾州府及遼沁二州管理巡南道  
事務歸併潞安府及澤州管理。○七年定河南  
驛鹽道事務歸併大梁道兼理。○八年廣東復  
設惠潮高雷廉瓊州三道各一人改巡海道為  
廣肇道管理鹽法廣西設驛鹽道一人左江巡

道一人。○又改甘肅臨洮道自蘭州移紮臨洮隴右道自秦州移紮鞏昌改直隸通薊道為守道總管錢糧改霸易道為巡道總管刑名駐保定府其霸易道舊轄順天府屬州縣歸昌密道統理是為霸昌道通薊道舊轄州縣衛所歸永平道統理是為通永道。○九年議准廣東驛傳歸併鹽法道管理改為鹽驛道即以驛傳道改為廣肇道轄廣肇南韶四府。○又江西設驛鹽道並分巡贛南分巡饒九南二道各一人。○又議准順天府所屬州縣錢穀歸守道管理刑名

歸巡道管理。○又江南設分守蘇松常分巡鳳  
廬分巡徽甯三道各一人。改淮海道為淮揚道。  
福建設分守興泉分巡延邵二道各一人。其  
福州府福甯州海防事務歸驛鹽道兼管。興泉  
二府海防事務歸興泉道兼管。湖廣設分守岳  
常分守衡永郴分守鄖陽分守武昌分巡辰沅  
靖分巡上荆南六道各一人。浙江設分巡甯紹  
分巡溫台分守杭嘉湖分守金衢嚴四道各一  
人。河南設分守河北分巡南汝二道各一人。○  
十年山西復設分巡雁平分守河東二道各一

人。○十一年定山東濟東道自德州移紮省城兼管通省驛傳事務。○十二年浙江復設驛傳道一人。○又江南裁分巡徽甯道一人。○十三年江南設驛鹽道一人管理安徽等處驛鹽事務駐安慶府其管理通省驛道改為江蘇等處驛鹽道仍駐江甯浙江設杭嚴巡道一人駐嚴州府陝西設關南守道一人駐興安四川設督糧道一人兼管鹽茶驛傳事務湖北設驛傳道一人兼管鹽法事務山東設驛傳道一人均駐省城濟東道自省城移紮德州東兗道移紮沂

州○又改廣東分巡廣肇南韶道為分巡南韶  
道駐韶州府改分守高雷廉羅道為分守廣肇  
道駐肇慶府添設分守高羅道一人駐高州府  
分巡雷廉道一人駐廉州府○十四年改山西  
河東守道移紮平陽改雁平巡道為守道兼管  
大同府屬糧餉事務○十五年廣東設嶺南兵  
巡道一人嶺東兵備道一人羅定州兵備道一  
人改廣肇道為嶺西兵巡道改惠潮道為嶺東  
兵巡道改高羅道為嶺西兵備道○十七年改  
江南淮徐道移紮宿遷○二十年江南裁安徽

驛傳道一人。○又改貴州平大黔威道為分巡貴西道。駐安順。添設分守貴東道一人。駐平越。○二十一年。江南裁蘇松道。復設江鎮道一人。以常州一郡併隸江鎮道。管理以蘇松二郡歸江蘇糧道管理。○二十二年。廣西設蒼梧守道一人。右江巡道一人。○又改廣東嶺東守道事務歸併嶺東巡道為惠潮道。改嶺南巡道事務歸併南韶巡道為廣南韶道。以肇慶高州廉州三府羅定一州歸併嶺西道。管理為分巡肇高廉羅道。以雷州府歸併瓊州道。管理為分巡雷

瓊道○又福建裁汀漳道仍以二府歸巡海道  
管理○二十四年浙江裁嘉湖道一人甯紹道  
一人改巡台道為分巡甯台道○二十五年河  
南裁河北守道一人○二十七年議准楚省舊  
設驛道一人駐紮武昌管理全省驛務以湖北  
道員遙制湖南道里遼遠事多貽誤改湖南驛  
站事務歸併湖南糧道兼理○三十二年奏准  
陝西西安原設有督糧驛傳二道嗣將驛道裁  
去歸併糧道管理未免顧此失彼復設驛道一  
人專理驛務○又改廣東驛鹽道為鹽運使司

○三十五年改江南裏河同知為江南通省管河道○三十八年裁江南通省管河道○三十九年裁直隸井陘道山東青州道浙江金衢嚴道福建督糧道各一人○四十三年改湖廣辰沅靖道移紮鎮筸○四十九年浙江裁驛傳道一人以驛站事務歸併鹽法道管理復設金衢嚴道一人○五十七年浙江裁分巡金衢嚴道一人○五十八年議准山東東兗道奉裁以後東昌兗州兩府所屬州縣事務統歸兩知府管理至稽察該府之倉庫錢糧一切地方事務未

便無統轄之員。所有兗州府屬州縣事務改歸濟甯道管轄。東昌府屬夏津等九州縣事務改歸濟東道管轄。○雍正二年

諭直隸守道職司通省錢穀巡道職司通省刑名。即如各省之有藩臬二司也。今若概與諸道一體不加分別。似未允協。蓋向以畿輔重地不立布政按察名色。朕思畿輔與各省有何區別。今應更改畫一。著守道改為布政司巡道改為按察司。○又議准山西河東道盤查蒲州解州絳州吉州隰州錢糧雁平道盤查平定州保德州忻州代州錢糧糧驛道盤

查澤州遼州沁州錢糧○又議准江南廬鳳道  
盤查潁州亳州泗州六安州錢糧蘇松糧道盤  
查太倉州錢糧淮徐道盤查邳州錢糧淮揚道  
盤查海州通州錢糧○又議准山東濟東道盤  
查泰安州武定州濱州錢糧兗甯道盤查曹州  
沂州濟甯州錢糧○三年議准直隸向來不設  
藩臬兩司是以通永天津霸昌大名口北五道  
兼山西山東河南布按二司衙今直隸守巡二  
道既改為布按二司其五道等俱改從直隸布  
按二司衙○又廣東設驛鹽道庫大使一人○

四年議准直隸興修水利分諸河為四局專官  
管轄以便稽查南運河與臧家橋以下之子牙  
河苑家口以東之淀河為一局令天津道就近  
控制同知以下等官受其管轄永定河為一局  
裁原設永定分司改設永定河道一人駐紮固  
安沿河州縣以下等官聽其管轄其北運河為  
一局將原設之分司撤去令通永道就近兼理  
管河通判以下等官悉聽統轄苑家口以西各  
淀河及京南諸河綿亙五六百里經州縣二十  
餘處亦為一局裁大名道改設清河道一人移

紮保定府所有管河同知州判以下等官悉聽  
管轄其天津等道既為河道專司河務所屬州  
縣錢糧刑名事務應各歸該府考成通水道所  
屬永平一府州縣事務亦歸該知府考成其通  
州以下無知府之八州縣仍令通水道兼管○  
又浙江設杭嘉湖分巡道一人○五年河南復  
設河北守道一人駐武陟兼管河務四川設驛  
鹽道一人安徽設江安糧道庫大使一人湖南  
設糧道庫大使一人○又定福建興泉道加巡  
海道銜移紮廈門改臺廈道為臺灣道○六年

定河南開歸河道分巡南汝道山東分守濟東  
道分守登萊青道俱加水利銜○又議准順天  
府屬二十五州縣衛驛傳糧餉向係通永霸昌  
二道分轄嗣因直隸興舉水利將通永道改為  
河道所司河務多於水次辦理從前一切職掌  
未能兼顧將通永道舊轄各州縣衛應行承辦  
之事悉歸霸昌道管轄○七年改湖北武昌守  
道移紮黃州府○八年議准陝西榆林改衛為  
府改神木道為延綏道移紮綏德州以榆林道  
原轄之延安綏德鄜州等處改隸管轄以新設

之榆林府並延綏道所屬之直隸葭州吳堡府  
谷神木等州縣歸榆林道管轄。又江蘇設崇  
明巡道一人統轄太倉通州二屬駐紮崇邑。蘇  
松道改駐松江府上海縣。又議准廣東肇高  
廉羅道駐紮肇慶府控制千里以外之高廉二  
府雷瓊道所轄雷州府在海之北瓊州府在海  
之南俱鞭長莫及添設巡道一人駐紮高州分  
轄高雷廉三府為高雷廉道改肇高廉羅道為  
肇羅道改雷瓊道為海南道並將高雷廉道海  
南道及原設之惠潮道俱加兵備銜。又四川

設川北道一人駐保甯府改雲南永昌道為分  
巡迤西道添設分巡迤東道一人○九年議准  
江西十三府屬向各有道員兼轄續經裁缺歸  
併致守令無所稽查仍將南昌撫州建昌三府  
歸督糧道管轄袁州瑞州臨江三府歸鹽驛道  
管轄廣信一府歸饒九南道管轄吉安一府歸  
贛南道管轄○又山東設兗莒沂道一人駐沂  
州將兗甯道原轄之兗州府屬十四州縣一衛  
一所並直隸沂州及所屬二縣登萊青道原轄  
之直隸莒州及所屬三縣均隸兗莒沂道管轄

○又改陝西西安府永豐倉大使為西安糧道  
永慶倉大使○十年改江南淮徐道移紮宿遷  
縣改廣西右江道原轄之鎮安府歸左江道管  
轄○又江南裁太湖同知於蘇松常鎮四府太  
倉一州五處適中之地改設道員一人專司河  
湖水利○十一年議准浙江修建海塘添設副  
使道一人加海防兵備銜駐海甯○又江蘇裁  
淮南二江營地方鹽捕同知改設鹽務巡道一  
人專司鹽務○又直隸復設大名順德廣平兵  
備道一人兼管河道工程以河間天津二府隸

天津河道兼管永平一府通薊遵化三州三河  
武清甯河寶坻四縣歸通永道兼管保定正定  
二府及易趙深冀定五直隸州歸清河道兼管  
○十二年改山東曹東道為管河道專管通省  
黃運兩河事務所屬曹州改歸兗莒沂道管轄  
東平州改歸濟東道管轄改兗沂道為兗沂曹  
道駐兗州改山西雁平道移紮朔平府改福建  
糧儲道為分巡糧驛道改鹽驛道為鹽法道專  
管鹽政兼理福廠船工改湖南糧驛鹽道為糧  
道添設驛鹽道一人○又議准安徽新設道員

所轄徽甯池太四府俱在大江南岸。應駐太平府之蕪湖縣。兼管蕪湖關稅務。○又河南設糧道庫大使一人。以開封府經歷兼管。○十三年議准湖南辰永靖道加兵備衛。○又河南設分巡河陝汝道一人。駐陝州。撥原隸開歸道之河南一府。陝州一州。原隸南汝道之汝州一州。俱歸新設道員管轄。改分守開歸道為分守糧驛鹽道。撥原轄之開歸陳許四府。俱歸管河兵備道兼轄。○乾隆元年。山西裁雁平道庫大使一人。○三年。復改廣東海南道為雷瓊道。改高雷

廉道為高廉道各兼兵備衛。○五年議准直隸  
承德州等處綿亙數千里所設同知等官隸霸  
昌道統轄勢難遙制於古北口外添設熱河兵  
備道一人駐承德州。○又改山東管河道為通  
省運河道專管運河一切事宜兼河庫事務改  
兗沂曹道分巡兗沂曹三府專管黃河一切事  
宜。○又移江南分巡太通道駐通州。○六年江  
蘇裁鹽務道一人太通道一人以通州歸常鎮  
道管轄太倉州歸蘇松道管轄。○又議准山西  
歸化城地方設總理蒙古旗民事務分巡歸綏

道一人。○七年。貴州裁貴東道一人。雲南裁驛  
鹽道經歷一人。○又江西設糧道庫大使一人。  
○八年。江蘇裁海防道。改設淮徐海巡道一人。  
駐徐州府。其原設之淮揚淮徐二道專管河工。  
○九年。議准廣西泗城府改隸左江道統轄。潯  
州府改隸右江道統轄。○又議准陝西督糧道  
加分守西乾二府州銜。照舊管理糧務。驛鹽道  
加分巡鳳邠二府州銜。照舊管理驛鹽事務。○  
十年。議准甘肅肅州道。加整飭甘肅等處銜。○  
十四年。議准廣東廣州府永豐倉大使。改為糧

道倉大使仍兼永豐倉事。○十五年議准甘肅平慶道加兵備銜駐固原州。○十七年議准貴州威甯州為黔省極邊要地將原駐安順府之貴西道加兵備銜移紮威甯州。○十八年罷各省守道兼布政司參政參議銜巡道兼按察司副使僉事銜定為守巡各道秩正四品。○二十年議准順天大興縣改歸西路同知專屬隸霸昌道轄。香河縣歸東路同知專屬隸通永道轄。○二十一年議准廣西左江道有控壓邊關撫輯土猺之責加兵備銜。○二十二年

諭准徐河道向兼分巡。後因專設巡道。地方各官遂以非河道管轄。遇雇夫搶險等事。每致呼應不靈。嗣後伏秋大汛。辦料雇夫。該地方官著仍聽准徐河道調遣。毋得歧視。以重河防。二十三年。議准廣東廣州府水利歸糧驛道兼管。其餘各府州水利均歸各該道兼管。又議准江西按察司經歷兼驛鹽道庫務。又定河南河南河北二道。江西饒九贛南糧驛四道。福建糧驛道興泉永道。浙江杭嘉湖甯紹台金衢嚴溫處四道。湖南長寶驛鹽道。廣西驛鹽道。均兼水利銜。二十四年定。

道裁烏魯木齊糧道缺○三十八年改甘肅巴里坤道移紮迪化州○四十一年

諭向來道員委署兩司其應奏交代等事俱詳請督撫代奏固遵定例辦理但兩司為錢糧刑名總匯各任內俱有應行入告之事道員既經署篆其責任即與實缺藩臬無異如遇應奏事宜原應照兩司具摺既於公務有益並可藉以覘其才識如何亦屬集思廣益之道何必轉詳督撫多此一番轉折乎且雍正年間道府原有許其自行具摺者後因其無所建白遂行停止若道員既署司篆則又不必拘於此例矣嗣

後道員中有委署兩司者俱准其照藩臬一體具摺奏事著為令○又改甘肅巴里坤屯田糧務兵備道為分巡鎮迪糧務兵備道兼管哈密闡展○又議准湖南按察司照磨兼管鹽驛道庫務○四

十三年

諭向來各省驛站事務直隸則係臬司兼管其餘俱係糧鹽道員兼管該員等俱駐紮省城以一人而轄通省郵傳地方遼闊稽查難周莫若將各省驛站事務皆令各守巡道按其所屬府州縣分司其事而以按察使總其成不必令糧鹽道兼管如有本係專管驛

傳並無兼轄他務者。即將員缺裁汰。則事有專責。而呼應亦靈。欽此。遵。

旨議定。各省驛務。應令巡道分管。糧鹽道兼管驛務。如有分巡地方者。仍令管理所屬之驛。無分巡地方者。不必兼管。○四十四年。改甘肅驛傳道為分巡蘭州道。改湖北驛傳鹽法道為分守武昌鹽法道。改武漢黃德道為分巡漢黃德道。○五十一年。江西裁九江道。屬九江關協造二人。○五十三年。

諭。凡遇有補放臺灣道員者。俱著加按察使銜。俾得自

行奏事。○五十七年。改湖北分守安襄鄖兵備道為分守安襄鄖荆兵備道。兼管水利。○五十八年。改浙江鹽道為兩浙都轉鹽運使司。○五十九年。陝西裁分巡驛鹽道。改設分巡鳳邠道一人。○嘉慶四年。

諭雍正年間。道府同知等員。俱准封章奏事。因思各省道員。職司巡察。即與在京科道有言責者相等。況科道之條陳糾劾。尚多得自風聞。何如監司大員。身任地方。目擊本省政務民情者。較為真知灼見。耶。嗣後除知府以下等官。仍不准奏事外。其各省道員。均著

照藩臬兩司之例。准其密摺封奏。以副兼聽並觀集  
思廣益至意。○又改湖北漢黃德道為鄖陽兵備道。  
○五年。改陝西分巡漢興道為分巡陝安道。加  
兵備銜。○七年。議准江蘇淮徐道原管之桃南  
桃北兩廳。及桃源一縣。改歸淮揚道管轄。淮揚  
道原管之江防楊糧兩廳。改歸常鎮道管轄。淮  
徐淮揚兩道兼巡之海州。並所屬沭陽贛榆二  
縣。改歸淮揚道管轄。○十一年。奏准山西河東  
兵備道。甘肅甯夏兵備道。陝西分巡鳳邠道。均  
兼管鹽法。○十六年。

諭馬慧裕等奏河復故道請增設淮海道一缺著照所請准其增設。又議准江南蘇松糧道兼巡蘇州府屬事務改歸松太道分巡以專責成。又議准江蘇新設淮海道駐中河地方專管桃北中河山安海防及新設海安海阜兩廳河務分巡桃源北岸安東阜甯海州暨所屬地方其淮揚道專管桃南裏河外河揚河高堰山盱六廳河務並所屬淮揚二府地方。二十五年移四川成縣龍茂道駐成都兼管水利事務鹽茶道專管通省鹽茶事務。道光三十年

諭直隸通永河道准其加兵備銜作為通永河務兵備道。咸豐三年。江蘇裁河庫道一缺其所管收放錢糧即歸淮揚淮海徐各該道分管。五年議准改安徽甯池太廣道為徽甯池太廣道加按察使銜暫照臺灣之例會銜專摺奏事。七年議准福建延建邵道加兵備銜作為分巡延建邵等處兵備道。八年

諭河南南汝光道一缺准其改為由外調補並加兵備銜。十年。江蘇裁淮揚淮海二道各一人。又改淮徐道為淮揚海道仍駐徐州其淮揚淮海二道

所管地方河工各事宜統歸該道管轄。○同治四年江蘇復設淮揚河務兵備道管理淮揚兩屬其海州一屬巡道應管事件仍歸徐道管轄作為徐海河務兵備道。○又安徽設安廬道一人駐安慶府分巡安慶廬州二府滁州和州兩直隸州其原設之鳳廬穎道改為鳳穎道分巡鳳陽穎州二府六安泗州兩直隸州仍兼鳳穎關監督。○五年奉天裁山海關監督改設山海關兵備道將沿海之金州廳同知岫巖城通判復州知州海城縣知縣蓋平縣知縣及所屬佐

雜悉歸山海關兵備道管轄其餘各府州縣遇有中外交涉稅務事件聽該道檄飭遵辦。又議准山海關改設道員以旗員補旄。又奉天設奉錦山海道一人照福建臺灣道例加按察使銜。九年奏准廣東分巡肇羅道添管陽江直隸同知。又直隸設津海關道一人專管中外交涉各事件及新鈔兩關稅務。又奏准凡直隸於中外交涉事件統歸關道管轄其附近天津府並所屬滄州天津靜海鹽山慶雲各州縣永平府並所屬灤州樂亭縣遵化州豐潤縣

及順天府所屬之甯河縣俱係沿海地方均歸  
關道專轄口岸稅務照舊稽徵其專轄府州縣  
尋常命盜錢糧案件仍由各該管道飭辦。十  
一年議准甘肅平慶涇道衙署仍建平涼駐紮  
以資鎮壓。○光緒元年奉天府裁治中一人改  
設驛巡道一人。○三年改江蘇淮揚道為淮揚  
海道徐海道為徐州道。○四年奉天設分巡東  
邊道一人豐盈庫大使一人。○八年吉林設分  
巡道一人統轄吉林府伯都訖長春五常賓州  
雙城五廳伊通一州。○又新疆南路回疆東四

城設巡道一人駐紮阿克蘇名為分巡甘肅新疆阿克蘇等處地方兵備道督飭所屬水利屯墾錢糧刑名事件撫馭蒙部彈壓布魯特稽察卡倫。又新疆西四城設巡道一人駐紮喀什噶爾回城名為分巡甘肅新疆喀什噶爾等處地方兵備道管理通商事宜督飭所屬水利屯墾錢糧刑名事件彈壓布魯特稽察卡倫。十年奏准奉天東邊道缺出由該將軍等咨會北洋大臣直隸總督於奉天直隸兩省現任道員中各保一堪任邊疆要缺熟悉洋務之員請

旨簡調。十一年。新疆阿克蘇喀什噶爾三道各設道庫大使一人。又新疆鎮迪道加按察使銜設道庫大使一人。兼按司獄事。十三年。廣西設太平歸順道一人。庫大使一人。又雲南設臨安開廣道一人。庫大使管照磨事一人。又新疆設分巡伊塔兵備道一人。駐紮甯遠城庫大使一人。又福建臺灣道設司獄一人。